



Broj: 09/2-2-16-8-35422-14/21
Sarajevo, 24.02.2022.godine

Na osnovu člana 72. stav 3. Zakona o javnim nabavkama BiH ("Službeni glasnik BiH", br. 39/14), Ministarstvo vanjskih poslova Bosne i Hercegovine, donosi:

ODLUKU

o izboru drugorangiranog ponuđača

I

U postupku javne nabavke usluga brze pošte za potrebe MVP BiH okvirni sporazum o javnoj nabavci dodjeljuje se drugorangiranom ponuđaču „JP BH Pošta“ d.o.o. Sarajevo sa ukupnom cijenom bez PDV u iznosu od 13.353,00 KM.

II

Ponuda ponuđača iz tačke I ove Odluke ocijenjena je prihvatljivom jer ispunjava sve uslove postavljene tenderskom dokumentacijom.

III

Za realizaciju ove Odluke zadužuje se Sektor za opće poslove.

IV

Ova Odluka objavit će se na web stranici MVP BiH, u skladu sa članom 70. stav 6. Zakona o javnim nabavkama, istovremeno sa upućivanjem iste svim ponuđačima koji su učestvovali u predmetnom postupku javne nabvke.

V

Ova Odluka stupa na snagu danom donošenja, a Odluka o izboru najpovoljnijeg ponuđača broj: 09/2-3-16-8-35422-6/21 od 17.01.2022. godine stavlja se van snage i prestaje da važi.

O b r a z l o ž e n j e

Postupak javne nabavke izbora najpovoljnijeg ponuđača za nabavku usluge brze pošte za potrebe MVP BiH pokrenut je Odlukom MVP BiH broj: 09-16-8-35422-1/21 od 08.11.2021. godine, Procjenjena vrijednost javne nabavke za period od 24 mjeseca bez PDV-a iznosi do 160.000,00 KM. Obavještenje o nabavci br: 253-1-2-27-3-16/21, objavljeno je na Portalu javnih nabavki dana 16.11.2021. godine, a sažetak obavještenja o nabavci objavljen je u Službenom glasniku BiH br: 7/21, na osnovu kojeg je proveden otvoreni postupak javne nabavke usluga brze pošte za potrebe Ministarstva vanjskih poslova BiH.

Shodno tenderskoj dokumentaciji rok za dostavljanje ponuda je bio 13.12.2021. godine, te su svoje ponude dostavile 3 firme i to:

1. "JP BH Pošta" d.o.o. Sarajevo;
2. " DHL International" d.o.o. Sarajevo;
3. „Express Courier“ d.o.o. Sarajevo

Komisija za javne nabavke, imenovana Odlukom MVP BiH broj: 09/1-31-34-8-3243/21 od 04.02.2021. godine, je u svom Zapisniku o pregledu i ocjeni ponuda za izbor najpovoljnijeg ponuđača za usluge brze pošte za potrebe MVP BiH broj: JN1-3-16-8-35422-5/21 od 20.12.2021. godine, utvrdila da svi ponuđači ispunjavaju formalno-pravne, ekonomske i tehničke zahtjeve Ministarstva vanjskih poslova BiH, te da su njihove ponude prihvatljive i mogu biti predmet vrednovanja shodno kriterijima utvrđenim Obavještenjem o nabavci, odnosno tenderskom dokumentacijom.

Polazeći od činjenice da prihvatljive ponude u formalno-pravnom, ekonomskom i tehničkom smislu ispunjavaju zahtjeve Ministarstva vanjskih poslova BiH, primjenom kriterija „najniža cijena tehnički zadovoljavajuće ponude“, Komisija je zapisnikom broj: JN1-3-16-8-35422-5/21 od 20.12.2021. godine, a nakon provođenja e-aukcije utvrdila rang listu ponuda i to:

1. " Express Courier" d.o.o. Sarajevo –sa ukupnom cijenom bez PDV-a 7.314,00 KM;
2. JP BH Pošta" d.o.o. Sarajevo – sa ukupnom cijenom bez PDV-a 13.353,00 KM;
3. " DHL International" d.o.o. Sarajevo –sa ukupnom cijenom bez PDV-a 37.020,24 KM;

Nadalje, Komsija za javne nabavke je u skladu sa odredbama člana 64. stav (1) pod b) Zakona o javnim nabavkama, dala preporuku ministrici vanjskih poslova BiH da donese Odluku o izboru najpovoljnijeg dobavljača za nabavku usluga brze pošte " Express Courier" d.o.o. Sarajevo, sa cijenom od 7.314,00 KM bez PDV-a.

MVP BiH je u skladu sa navedenom preporukom, Odlukom MVP BiH broj: 09/2-3-16-8-35422-6/21 od 17.01.2022. godine dodijelio okvirni sporazum dobavljaču Express Courier d.o.o. Sarajevo, sa cijenom od 7.314,00 KM bez PDV-a.

Navedena Odluka je dostavljena dobavljaču dana 18.01.2022. godine.

U skladu sa članom 45. Zakona o javnim nabavkama i tačkom 3.2. tenderske dokumentacije broj: 09/2-2-16-8-35422-2/21, izabrani ponuđač je bio dužan, da u roku od 5 dana od dana zaprimanja obavještenja o rezultatima, dostaviti dokaze o ispunjavanju uslova traženih tenderskom dokumentacijom.

Dana 24.01.2022. godine dobavljač Express Couirer je dostavio je MVP BiH sljedeću dokumentaciju: Uvjerenje Uprave za indirektno oporezivanje-Regionalni centar Sarajevo broj: 02/67II-16-11-20-9894/21 od 03.11.2021. godine, Uvjerenje Uprave za indirektno oporezivanje-Regionalni centar Sarajevo broj: 02/6/II-16-11-20-9894/21 od 03.11.2021. godine, Uvjerenje Poreske uprave FBiH broj: 13-9/4-12-5-6451/21 od 02.11.2021. godine, Uvjerenje Općinskog suda u Sarajevu broj: 065-0-R-21-002374 od 11.11.2021. godine, Uvjerenje Općinskog suda u Sarajevu broj: 65 0 Kr 016641 21 od 11.11.2021. godine i Aktuelni izvod iz sudskog registra Općinskog suda u Sarajevu broj: 065-0-RegZ-21-010081 od 02.11.2021. godine.

MVP BiH je utvrdilo da nedostaje uvjerenje izdato od strane Suda BiH da u krivičnom postupku nije osuđen pravosnažnom presudom za krivična djela organiziranog kriminala, korupciju prevaru ili pranje novca, u skladu sa važećim propisima u Bosni i Hercegovini ili u zemlji u kojoj je registriran, a koje je traženo tačkom 3.2. pod a) tenderske

dokumentacije. Ponuđač je dostavio uvjerenja izdato strane od nadležnog suda prema mjestu prebivališta i to Općinskog suda BiH u Sarajevu, ali je propustio dostaviti uvjerenje izdato od strane Suda BiH.

Naime, tačkom 3.2. tenderske dokumentacije utvrđeno je da je ponuđač koji bude odabran dužan dostaviti uvjerenje izdato od strane **Suda BiH i uvjerenje nadležnog suda** da u krivičnom postupku nije osuđen pravosnažnom presudom za krivična djela organiziranog kriminala, korupciju prevaru ili pranje novca, u skladu sa važećim propisima u Bosni i Hercegovini ili u zemlji u kojoj je registriran, da je navedene dokaze dužan dostaviti **u roku od 5 dana** od dana zaprimanja obavještenja o rezultatima postupka javne nabavke, te da izabrani ponuđač mora ispunjavati sve uslove u momentu predaje ponude, u protivnom će se smatrati da je dao lažnu izjavu iz člana 45. Zakona o javnim nabavkama.

Također je članom 45. stav 2. pod a) propisano je da je kandidat/ponuđač kojem bude dodijeljen ugovor obavezan dostaviti uvjerenje nadležnog suda kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca.

Prema stavu Agencije za javne nabavke koje je objavljeno na njihovoj web stranici, a u skladu sa aktom Suda BiH od 21.05.2019. godine, neophodno je da kandidat/ponuđač kumulativno, u cilju urednosti ponuda, a prema članu 45. stav 1. tačka a) a u vezi sa stavom 2) tačka a) Zakona o javnim nabavkama **kumulativno dostavi potvrdu Suda BiH i potvrdu prema sjedištu pravnog lica**, odnosno kandidata/ponuđača iz razloga što nije definisan jedinstveni registar na nivou Bosne i Hercegovine, u koji bi se upisivale pravosnažne presude za osuđena krivična djela organizovanog kriminala, korupcije, pravare i pranja novca.


Shodno izloženom, utvrđeno je da je dobavljač " Express Courier" d.o.o. Sarajevo, u roku od 5 dana koji je Ugovorni organ odredio tenderskom dokumentacijom, propustio dostaviti dokumentaciju iz člana 45. stav 2. pod a) Zakona o javnim nabavkama i tačke 3. 2. pod a) tenderske dokumentacije broj: 09/2-2-16-8-35422-2/21, pa je na osnovu odredaba člana 72. stav 3. Zakona o javnim nabavkama, odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi, najkasnije u roku od 10 (deset) dana od dana prijema ove Odluke i to u pismenoj formi, u dovoljnom broju primjeraka, a koji ne može biti manji od tri.

DOSTAVITI:

1. Svim učesnicima u postupku javne nabavke;
2. Evidenciji a/a.



MINISTARICA
Biserica Turkovic
dr Bisera Turkovic